

## Abtheilung der Streichnadeln/daran der Zusatz halb weiß/vnd halbroth ist.

**D**ieweil etliche Kronen mit halb weiß / vnd halb roth beschickt Die schönsten Kronen ander Farb.  
seynd/welche ich an der Farb für die schönsten achte. So wieg  
in der Abtheilung zur ersten Nadel 24. Karat Feingolt/wie dann in al-  
len Nadeln die höchste oder beste Nadel Feingolt seyn solle. Zu der an-  
dern nadeln 23. vnd ein halb Karat Golt 3.gren weiß vnd 3.gren roth/  
Zu der drittē nadel 23. Karat Golt/6.gren weiß vnd 6.gren roth. Zu  
der vierdtē/22. vnd ein halb Karat Golt/9.gren weiß vñ 9.gren rot.  
Zu der fünftē/22. Karat Golt/1. Karat weiß vnd 1.karat rot. Zu der  
sechsten/21. vñ ein halb Karat Golt/1.Karat/3.gren weiß/vnd 1.karat  
3.gren rot. Zu der siebendē/21. Karat Golt/1.Karat 6.gren weiß/vñ 1.  
Karat 6.gren rot. Zu der achten/20. ein halb Karat Golt/1. Karat 9.  
gren weiß vñ 1.karat 9.gren rot. Zu der neundē/20. karat Golt/2.kar-  
rat weiss 2.karat rot. Zu der zehenden/19. ein halb karat Golt/2.karat  
3.gren weiss vnd 2.karat 3.gren rot. Zu der eilfste/19. karat Golt/2.kar-  
rat 6.gren weiss/vñ 2.karat 6.gren rot. Zu der zwölftē/18. ein halb ka-  
rat Golt/2.karat 9.gren weiss/vnd 2.karat 9.gren rot. Zu der drenze-  
hendē/18.karat Golt/3.karat weiss vñ 3.karat rot. Zu der vierzehende/  
17. vnd ein halb karat Golt/3.karat 3.gren.weiss/vnd 3.karat 3.gren  
rot. Zu der fünfszehenden/17.karat Golt/3.karat 6.gren weiss/vnd 3.  
karat 6.gren rot. Zu der sechszehenden/16. ein halb karat Golt/3.kar-  
rat 9.gren weiss/vñ 3.karat 9.gren rot. Zu der siebenzehenden/16.kar-  
rat Golt/3.karat weiss vnd 4.karat rot. Zu der achszehende/15.ein halb  
karat Golt/4.karat 3.gren weiss/vnd 4.karat/3.gren roth.

Nach dieser ordnung magstu die Nadeln fermer herab theilen/oder  
auch von karaten zu karaten steigen vnd fallen lassen/wie du zuvorn  
auch bericht bist worden.

# Wie man die Streichnadeln machen sol/auff das Reinish Golt/darinn der zusatz zwey theil weiss/vnd ein theil rot ist.

**S**iewol etlich Reinish Golt/auch den Zusatz  
auff halb weiss vnd halb roth hat/ darzu dann vor gesetzte  
Nadeln zugebrauchen seyn. So ist doch der Zusatz des mei-  
sten theils von zwey theil weiss vnd ein theil roth/auff solches soltu die  
Nadeln also abtheilen. Zu der ersten Nadel wieg 24.karat Feingolt/  
D ii das